

Message Three

Chyoi Pra Ai Namman Chya Ya Ai Sau Hku Nna Gumhpawn Da Ai Mänam Pyaw Ai Sau A Mädung Npawt Shingdaw Lam Hte Hpaw Hpyan Ai Liam—Ninggam Hte Ninggam Laidi Ai Mäsum Längai Käräi A Gumhpawn Da Ai Yawng Mäyawng Lawm Ai Wēnyi A Hpring Tsup Ai Shingdaw Lam

Htina chyumdaw; - Pru. 30:22-30, 1Ko. 15:45b, Yhn. 7:37-39, Hpil. 1:19.

- I. Chyoi pra ai namman chya ya ai sau, “tsi sära hpaji hte mänam pyaw hpaw chye ai wa hpaw ai hku” tsanlun sau hte mänam pyaw ai hpan mäli gumhpawn da ai mänam pyaw ai sau gaw ninggam hte ninggam laidi ai mäsum längai Käräi a gumhpawn da ai yawng mäyawng lawm ai asak jaw ai Wēnyi ngu ai Hkristu gaw Mädu si hkam ai lam hte bai hkrung rawt ai kaw nna, byin wa ai Yēsu Hkristu a Wēnyi hpe hpring tsup hkra shingdaw ai lam rai nga ai—Pru. 30:22-30, 1Kor. 15:45b, Yhn. 7:37-39, Hpil. 1:19.**
- A. Ndaï gumhpawn da ai namman sau a shang lawm ai ni hpe shingdaw ai lam gaw läwu na hte mären rai nga ai.**
- Lup mäkoï ai lam hta jai lang ai mänam pyaw ai (Yhn. 19:39), lwi nga ai Mura gaw Hkristu a mänu dan ai si hkam lam hpe shingdaw ai (Rom. 6:3).
 - Mura gaw si ai tsin yam tsin dam hpe shäyawm kau ya na mätu mäkrät mäkrat mächyi mai tsi hku nna mung jai lang ai Mädu Yēsu gaw wudang ntsa si hkam ai shäloi Mädu hpe, Mädu a mächyi hkam sha ai lam hpe shäyawm ya na mätu Mura hte gäyau ai tsäbyi jähku hpe nawng ya ai—Mrk. 15:23.
 - Mura gaw hkumhkrang hta shut shai ai asak ntsin shäpraw kau ya ai shäloi dai hpe mächyi shäzim na mätu mung, jai lang mai ai. Anhte a shinggyim asak hkrung lam hta shut shai lam law law gaw asak ntsin hpe shäpraw kau ya nga ai. Raitim wudang ntsa Mädu Käräi si hkam ai lam gaw ndaï manghkang hpe hpäran ya ai.
 - Mänam pyaw ai hpun mäza hpyi gaw Hkristu a si hkam ai lam a dwi sau ai lam hte akyu rawng ai lam hpe shingdaw ai—Rom. 8:13.
 - Hpun mäza hpyi gaw gawngkya ai myit sälum hpe myit rawt käbu shängun ai tsi rai nga ai.
 - Anhte gaw Wēnyi hta Mädu Käräi a si hkam ai lam hpe, anhte a mäbyin de la lang hkawm sa ai shäloi, anhte a myit mäsin gaw Mädu Käräi hta anhte hpe ngwi pyaw wai lam hte käbu gära lam tai na mätu myit rawt käbu wa ai—Hpil. 4:4, Neh. 8:10.
 - Hkalamu gaw hka hpung-ya (snr) hkum pup htat ai shära hta lähta de ding ding rawt nna käba wa ai mai-aw kaw nna sa nhtawm, Hkristu a mänu dan ai bai hkrung rawt ai lam hpe shingdaw ai—Ehp. 2:6, Kol. 3:1, 1Pet. 1:3.
 - Hpun mäza hpyi gaw shawng daw hta hkrung känu ni hte läpu ni hpe shäden kau ai tsi hku nna jai lang hkrum nhtawm, Hkristu a bai hkrung rawt ai lam hta ninghkap gäsät lu ai atsam hpe shingdaw ai. Hpun mäza hpyi hpan amyü mi gaw nhkru ai “ana ni” yawng, grau nna moi na läpu dingsa ngu a nat mätsē hpe ninghkap shäden kau ai—Hpil. 3:10.
 - Gumhpawn da ai mänam pyaw ai sau a npawt nhpang hku nna tsan lun sau gaw gumhpawn da ai Wēnyi a npawt nhpang hku nna Käräi Käsang a Wēnyi hpe shingdaw ai—Nin. 1:2.
- B. Hti hkum mäli gaw hpan da hkrum ai ni hpe shingdaw nna, (Ezek. 1:5) dai hta mäsha gaw baw rai nhtawm (Nin. 1:26), hti hkum längai gaw shingdaw nlu jet ai Käräi Käsang hpe shingdaw ai re mäjaw (Trj. 4:35, 1Tm. 2:5), mänam pyaw hpan mäli gaw Käräi Käsang a hpan da ai lam hta Hkristu a shinggyim rudi hkam ai hpe shingdaw nhtawm, tsanlun sau gaw Mädu a Käräi rudi hte rau shingdaw nlu jet ai Käräi Käsang hpe shingdaw ai. Dai rai nna tsanlun sau hte mänam pyaw amyü hpan mäli a gumhpawn ai lam gaww gumhpawn da ai Wēnyi hta Käräi hte mäsha, Käräi rudi hte shinggyim rudi gumhpan ai, gäyau ai lam hpe shingdaw ai—Jaw. 2:4 hte mätsing 3.**
- C. Tsanlun sau hte mänam pyaw ai amyü hpan mäli yawng gaw rin mäni ai, (snr) dan di kau ai mäbyin längai ngai kaw nna byin wa ai rai nhtawm, Käräi Käsang a Wēnyi gaw Hkristu a Wēnyi**

byin wa ai hte (Rom. 8:9) dai gaw Hkristu a jamjau hkrum sha ai kaw nna re lam (Mat. 26:36) shingdaw ai.

- D. Dai sha n-ga, mǎnam pyaw ai amyu hpan mǎli a shǎdang gaw Shekela mǎnga tsa hpra hpring tsup ai shǎdang mǎsum rai nna, kǎ-ang na shekela mǎnga gaw daw lǎhkawng hku nna kǎran da ai bai hkrung rawt ai lam hta mǎsum lǎngai Kǎrai hpe shingdaw ai. Lǎhkawng ngu na kǎsha gaw wudang hta Mǎdu si hkam ai a mǎrang e kǎran da hkrum ai hpe shingdaw ai.
- E. Tengman ai chyum laika hta hti hkum mǎnga gaw lit nga ai hti hkum rai nga ai mǎjaw (25:2 hte mǎtsing 1), gumhpawn da ai mǎnam pyaw ai sau a dat mǎbyin mǎnga hte mǎnam pyaw ai amyu hpan mǎli a shekela mǎnga tsa hpra shǎdang mǎsum gaw lit hpe gunhpai na mǎtu atsam, mǎrai hku nna bai hkrung rawt ai lam hta nga nga ai mǎsum lǎngai Kǎrai hpe shingdaw ai rai nga ai.
- F. Hti hkum mǎsum hte mǎnga gaw Kǎrai Kǎsang a gawgap lam hte mǎtut mǎhkai nga ai mǎjaw (Nin. 6 hta rawng ai mǎtsing 15 hpe yu u) gumhpawn da ai mǎnam pyaw ai sau a ndai hti hkum ni gaw gumhpawn da ai Wēnyi hta Kǎrai Kǎsang a gawgap na mǎtu dat mǎbyin lawm nga ai lam shingdaw ai.
- G. Lǎhta e tsun da ai shingdaw lam ni hta npawt nhpang hku nna tsanlun sau hte rau mǎnam pyaw ai amyu hpan mǎli hpe gumhpawn da nhtawm, namman sau hpe gǎlaw ai lam gaw lǎhta e tsun da ai, dat mǎbyin ni hte Kǎrai Kǎsang a Wēnyi gaw Hkristu a shinggyim rudi hkam ai, shinggyim asak hkrung ai, wudang ntsa si hkam ai, bai hkrung rawt ai lam hte hkrung rawt lung wa ai mǎbyin ni kaw nna gǎyau gumhpawn let, Kǎrai Kǎsang a htani htana shǎnu shǎra gawgap na mǎtu gumhpawn da ai Wēnyi hpe shǎpraw na mǎtu re lam shingdaw ai.

II. Chyoi pra ai namman sau rai nga ai gumhpawn da ai mǎnam pyaw ai sau gaw sum hte de a hkinghku ni yawng, hkungri hte de a arung arai ni yawng, ang dung hte de a npawt, hkinjawng agyi ni gaw namman sau chya na mǎtu hte ndai lam ni yawng hpe Mǎdu a Kǎrai hte seng ai yaw shǎda lam a mǎtu Kǎrai Kǎsang hpan de chyoi pra ai, kǎran da hkrum ai, shǎchyoi shǎpra hkrum na mǎtu jai lang ai lam rai nga ai-Pru. 30:26-30, 1Pet. 1:2, 1Ko. 6:11, Rom. 15:16.

- A. N dai mǎnam pyaw ai sau gaw mǎsun lǎngai Kǎrai gaw Hkristu a shinggyim rudi hkam ai, wudang ntsa si hkam ai hte bai hkrung rawt ai lam kaw nna, ninggam hte ninggam laidi nna ngut kre hpring tsup nhtawm yawng mǎyawng lawm ai gumhpawn da ai Wēnyi byin wa ai. Mǎdu a lǎta la hkrum ai hte hkrang shaw la hkrum ai ni hpan de du wa nna, shanhte hpe shi hkum nan hku nna, namman chya ya ai hte Mǎdu shi hkum nan shanhte hte lǎngai sha kǎhkyin gumdin ai lam, shanhte hpe Mǎdu hte lǎngai sha kǎhkyin gumdin shǎngun ai lam hpe shingdaw ai rai nga ai-Yhn. 20:22, 1Yhn. 2:20, 27, 2Ko. 1:21, 1Ko. 6:17.
- B. Dai zawn rai namman chya ya ai lam, anhte kǎta hta gumhpawn da ai Wēnyi a shǎmu shǎmawt ai lam gaw anhte hpan de chya ya ai hte ninggam hte ninggam laidi nna ngut kre hpring tsup ai mǎsum lǎngai Kǎrai a dat mǎbyin ni yawng hpe anhte mǎbyin kǎta de jat bang ya ai lam mung gǎlaw ya nga nhtawm, dai hku nna anhte a kǎta mǎsha gaw Kǎrai hte seng ai dat mǎbyin ni hte Kǎrai hte seng ai asak hta kǎba wa ai. Anhte gaw Kǎrai Kǎsang hte rau kǎhkyin gumdin lǎngai sha hku nna gǎyau gumhpawn lu na rai nga ai-Kol. 2:19.
- C. Chyoi pra ai namman sau gaw Kǎrai Kǎsang a shǎnu shǎra hte hkinjawng agyi aya hpe namman chya na yaw shǎda ai nan rai nga ai (mǎdun; 1Pet. 2:5). Dai mǎjaw Kǎrai Kǎsang a shǎnu shǎra hte hkinjawng agyi aya a mǎtu rai nga ai ni chyua sha gumhpawn da ai yawng mǎyawng lawm ai Wēnyi hpe kǎbu gǎra lu na rai nga ai.

III. Tsanlun sau hku nna shingdaw da ai Kǎrai Kǎsang a Wēnyi gaw sau san san sha nrai, ya gaw shang lawm ai arung arai ni hte gumhpawn da ai sau byin wa ai. N dai lam hte seng nna, Yhn. 7:39 hta “Shing nga ai gaw, shi hpe kamsham ai ni lu la na Wēnyi hpe shǎ-ang nna tsun ai rai nga ai, kǎning rai nme law, Yēsu gaw shi a hpung shingkang gǎrai ndan hkung ai mǎjaw, Wēnyi gǎrai njaw wu ai” ngu tsun da ai.

- A. N dai gaw Mǎdu Kǎrai a hpung shingkang dan leng ai, dai gaw Mǎdu a bai hkrung rawt ai, (Luk. 24:26) ndu shi yang gumhpawn da ai Wēnyi gaw ndan hkung shi ai lam tsun mǎyu ai. Hkristu

a bai hkrung rawt ai hpang e she dai zawn rai Wēnyi a gumhpawn ai (snr) gumhpawn shang lawm ai lam gaw hpring tsup wa ai rai nga ai.

B. Wēnyi gaw Kārai Kāsang a Wēnyi măbyin hta, Mădu a Kārai hte seng ai dat măbyin chyū sha nga nga ai. Mădu gaw Hkristu a shinggyim rudi hkam ai, wudang ntsa si hkam ai hte bai hkrung rawt ai kaw nna, Yēsu Hkristu a Wēnyi byin wa ai hpang dai Wēnyi gaw Kārai hte seng ai dat măbyin hte măsha hte seng ai dat măbyin lähkawng yan rawng nhtawm, Hkristu a shinggyim rudi hkam ai, wudang ntsa si hkam ai hte bai hkrung rawt ai lam a akri nam chyim hte jet ai lam yawng lawm sai rai nga ai.

C. Chyoi pra ai namman sau hku nna shingdaw da ai ndai yawng măyawng lawm ai gumhpawn da ai Wēnyi gaw Yēsu Hkristu a Wēnyi nhpaw n-ya sutsu ai kărūm jaw ya ai, Hkristu hkumhkrang a kărūm jaw ya ai lam rai nna, dai hku nna, anhte gaw hkumhkrang hta, hkumhkrang hku nna, hkumhkrang a mătu Mădu a kăba dan leng na Hkristu hpe asak hkrung lu na rai nga ai-Hpil. 1:19-21a.

IV. Kamsham ai ni hku nna anhte gaw gumhpawn da ai mănam pyaw ai sau hte yawng măyawng lawm ai Wēnyi hku nna namman chya ya hkrum sai rai nga ai. Shk. 133:2 hta namman chya ya ai sau gaw Arun a baww ntsa kaw nna shi a ninghka mun de lwi hkrat nhtawm, shi a hpun pälawng mătu du hkra gära hku lwi hkrat ai lam tsun da ai. Ndai gaw hkumhkrang ting gaw Wēnyi hte namman chya ya hkrum ai lam shingdaw ai.

A. Kăhkyin gumdin lăngai sha rai nga ai lam a npawt nhpang shăra gaw anhte măbyin kăta de chya da ai chyoi pra ai namman sau gumhpawn da ai Wēnyi hku nna ninggam hte ninggam laidi ai măsum lăngai Kārai nan rai nga ai-kăji 1-3.

B. Mănam pyaw ai sau hku nna “chya” ya hkrum na mătu (1Yhn. 2:20, 27) anhte gaw kăsha hte lăngai sha kăhkyin gumdin nga ra ai. Dai shăloi anhte gaw namman chya ya ai sau hte de a dat măbyin yawng hte chya ya ai hpe shi hte shi kăbu gära wa na rai nga ai. Ndai mănam pyaw ai sau hpe chya ai a mărang e shăpraw lu ai kăhkyin gumdin lăngai sha rai nga ai lam gaw kăde nan mauhpa rai nga a hka!